

CHINESE AND JAPANESE LIBRARY
HARVARD-YENCHING INSTITUTE
AT HARVARD UNIVERSITY

SEP 28 1956


T331/4954

書

東亞

圖書

五



蘇長公書傳序



傳注之家有二派焉一曰博
洽旁蒐廣列引客證之裴
松之注三國志劉孝標之
注世說鄒道之注水經
也一曰聰明發揮已見以意

送志韓非之解老喻老向
秀之注莊王冰之解素問
張商英之注素書也訓詁
而經竹之六矣釋義而經
生之六之下矣國朝以
宋儒蔡沉尚書傳頌之學

富而七取左旋之說業已
不愜高皇帝意楊
用脩氏之說經多取漢儒
其言曰漢世在孔子未也
傳一人經劣其說宜得其
真宋儒去孔子千五百年

強其聰穎過人安能一旦盡
棄舊而習怪於心耶故
自謂觀出書不可廢在注
以孔安國為漢人又孔子後
也見固卓然矣蘇氏強亦
宋人乎然其博洽彙常可

於其訪知其聰明蓋世
可於其文知固非一時諸
儒所可望項背者此其於
經行經生之一豎未入膏
肓也與其祧漢而宗乎則
毋乃初唐活儒而兩極蘇

吳興凌濛初撰并書

[Faint bleed-through text from the reverse side of the page]

東坡書傳卷一

虞書

堯典第一

昔在帝堯。聰明文思。

聰者無所不聞。明者無所不見。文者其法度也。思者其智慮也。

光宅天下。

聖人之德如日月之光。貞一而無所不及也。將遜于位。

袁了凡曰此篇文字極雅馴古乘第一史筆

哈佛大學漢和圖書館珍藏印

[Red seal impression]

又曰註以曰若
為發語詞又引
周楚越若來三
月為例及解召
語則曰越若來
迤運而來也分
明自悖其例矣
疎謬之極

遜遁也。

讓于虞舜作堯典。

言常道也。

曰若稽古帝堯曰放勳欽明文思安安。

若順也稽考也放法也有功而可法曰放勳猶孔子曰巍巍乎其有成功此論其德之辭也自孟子太史公咸以放勳重華文命為堯舜禹之名然有不可者以類求之則臯陶為名允迪乎欽敬也或言其聰或言其敬初無異義而學者

因是以為說則不勝異說矣凡若此者皆不取欽明文思才之絕人者也以絕人之才而安於無事此德之盛也夫惟天下之至仁為能安其安。

允恭克讓光被四表格于上下。

允信也克能也表外也格至也上下天地也恭有偽讓有不克故以允克為賢。

克明俊德以親九族。

明揚也俊傑也堯之政以舉賢為首親親為次。

姚鼐菴曰篤恭而天下平一恭為足矣揖讓而天下治一讓為定矣必兼言之又於恭上着一允字讓上着一克字蓋總之極贊其德之盛而

形容之耳

楊用備曰蔡氏注云百姓者畿內之民黎民者四方之民此不通古今之說也聖人之視民遠近一也豈分畿內與四方哉百姓蓋祿而有土仕而有爵者能自明其德而後協同萬國萬國諸侯協和而後黎民於變時雍

此其序也若以百姓為民庶則黎民又是何物亦豈有民庶先於諸侯者哉沈則新曰當日若無堯整頓一番今日雖在日月星辰之下四時之中亦長夜耳此堯之所以為放勳為則天也

九族高祖玄孫之族也。

九族既睦。平章百姓。

平和也。章顯用其賢者也。百姓凡國之大族民之望也。大族予之。民莫不予也。方是時。上世帝皇之子孫。其得姓者蓋百餘族而已。故曰百姓。百姓昭明。協和萬邦。黎民於變時雍。

協合也。黎衆也。變化也。雍和也。

乃命羲和。欽若昊天。曆象日月星辰。敬授人時。

吳廣大也。曆者其書也。象者其器也。璿璣玉衡

之類是也。星。四方中星也。辰。日月所會也。或曰。

星。五星辰。三辰。心伐北辰也。重黎之後。羲氏和

氏。世掌天地四時之官。故堯以是命之。

分命羲仲。宅嵎夷。曰暘谷。

禹貢。嵎夷在青州。又曰暘谷。則其地近日而先

明。當在東方海上。以此推之。則昧谷當在西極

朔方。幽都當在幽州。而南交為交趾明矣。春日

宅嵎夷。夏日宅南交。冬日宅朔方。而秋獨曰宅

西。徐廣曰。西。今天水之西縣也。羲和之任亦重

用修曰按柳仲塗云朱鳥者南

矣。堯都於冀州。而其所重任之臣。乃在四極萬里之外。理或不然。當是致日景以定分。至然後曆可起也。故使往驗於四極。非常宅也。寅賓出日。平秩東作。寅敬也。賓導也。秩次序也。東作春作也。西成秋成也。春夏欲民早起。故先日出而作。是謂寅賓出日。秋冬寒不能早起。故令民候日入而息。是謂寅饑納日。二叔不言饑者。因仲之辭。日中星鳥。以殷仲春。

方之宿以主於夏龍星乃春之星。今不曰日中星龍者。蓋歲周其序。春居其始。四星各復其方。聖人南面而坐。以觀天下。故春之時。朱鳥之星。當其前。故云觀之以正仲春。柳氏之說。起古注疏矣。然猶未盡也。殷之為言。正也。正即正朔也。故春頒春朔而

日中者。晝夜平也。二分皆晝夜平。而春言日中。秋言宵中者。互相備也。春分朱鳥七宿昏見於南方。夏至則青龍。秋分則玄武。冬至則白虎。而夏秋冬獨舉一宿者。舉其中也。殷當也。書曰。九江孔殷。

厥民析

冬寒無事。民入室處。春事既起。丁壯就田。其民老壯分析。見漢志。

鳥獸孳尾

夏頌夏翔秋頌
秋翔冬頌冬翔
所謂四殷者即
四翔也皆敬天
時而動民也故
下文遂言民事

乳化曰孳。交接曰尾。

申命義叔。

申重也。

宅南交平秩南訛敬致。

訛化也。敘南方化育之事以敬致其功。

日永星火以正仲夏。

永長也。火心也。

厥民因。

老弱畢作。因就在田之丁壯也。

鳥獸希革。

其羽毛希少而革易也。

分命和仲。宅西曰昧谷。寅餞納日。

餞送也。

平秩西成。宵中星虛以殷仲秋。厥民夷。

夷平也。農事至秋稍緩可以漸休。故曰夷。

鳥獸毛毳。

毳理也。毛更生整理。

申命和叔。宅朔方。曰幽都。平在朔易。

又曰析因夷澳
一重春耕一急
夏芒一急秋收
一謹冬藏皆勤
民事也今蔡傳
但云驗氣之和
氣之平是平居
無事觀物隱居
者之養生月覽
耳不待帝堯欽
若曆象不待羲
和寅賓敬致也
觀尚書所以不

可廢古注歟

則新曰即一登
字便有無限妙
理在內委是言
簡篆豐恨經生
無眼不能推盡
底裡耳

在察也朔易歲于此改易也禮十二月天子與
公卿大夫共飭國典論時令以待來歲之宜

日短星昴以正仲冬厥民隩

隩室也民老幼皆入室

鳥獸氄毛

氄軟厚也

帝曰咨汝羲暨和朞三百有六旬有六日以閏月
定四時成歲

暨與也周四時曰朞朞當三百六十五日四分

日之一而云六日舉其全也歲止得三百五十

四日故以閏月定而正之有讀為又古有又通

允釐百工庶績咸熙

釐理工官也績功也熙光明也

帝曰疇咨若時登庸

疇誰也咨嗟也時是也猶曰時乎嗟哉能順是

者我登進而用之

放齊曰胤子朱啓明帝曰吁嚚訟可乎

放齊臣名胤國子爵朱名書有胤侯吁疑怪之

辭也。口不道忠信之言，爲噤。或曰：太史公曰：嗣子丹朱開明。

帝曰：疇咨若予采。

采，事也。

驩兜曰：都共工，方鳩僝功。

驩兜，臣名。都，于嘆美之辭也。共工，其先爲是官者，因以氏也。方，類也。鳩，聚也。僝，布也。言共工能類聚而布其功也。

帝曰：吁！靜言庸違，象恭滔天。

了九曰滔天，字只作闕文。

則新曰：靜言庸違，說盡千古生人病痛。

靜則能言，用則違之。貌象恭敬，而實滅其天理。滔，滅也。

帝曰：咨四岳。

孔安國以四岳爲羲和四子，而太史公以羲和爲司馬之先，以四岳爲齊太公之祖，則四岳非羲和也。當以史爲正。

湯湯洪水方割，蕩蕩懷山襄陵，浩浩滔天。

湯湯，蕩蕩，浩浩，皆水之狀也。割，害也。懷，包也。襄，上也。水逆流曰襄。

下民其咨有能俾乂。
俾使也。乂治也。

僉曰於鯀哉。

僉皆也。鯀崇伯之名。

帝曰吁。咈哉。方命圯族。

咈戾也。方命負命也。族類也。圯族敗類也。

岳曰異哉。試可乃已。

又曰異漢諸以
為已也退也蔡
以其義不協遂
委為未詳按說
文異舉也列子
因索結可以異

異舉也。時未有賢于鯀者。故岳曰舉而試之。可
以治水則已。無求其他。

或即以舉什之
甚通

帝曰往欽哉。九載績用弗成。

載年也。九年三考而功不成。

帝曰咨四岳。朕在位七十載。

子淵曰堯在位
七十載不紀乃
只此二三事前
卿曰五帝無傳
政遠故也

堯年十六。以唐虞為天子。在位七十年。時年八
十六。

汝能庸命。巽朕位。岳曰否。德忝帝位。

巽受也。否不也。忝辱也。

曰明明揚側陋。

明其高明者。揚其側陋者。言不擇貴賤也。

師錫。帝曰：有鰥在下。曰：虞舜。

師衆也。錫予也。無妻曰鰥。舉舜而言其鰥者，欲帝妻之也。帝知岳不足禪而禪之，岳知舜可禪而不舉，何也？以天下予庶人，古無是道也。故必先自岳始。岳必不敢當也。岳不敢當而後及其餘，曰：吾不擇貴賤也，而衆乃敢舉舜，理勢然也。堯之知舜至矣，而天下不足以盡知之，故將授之天下，使其事發於衆，不發於堯，故舜受之也。安。

帝曰：俞，予聞如何。

俞，然也。曰：然，予亦聞之，其德果何如哉。

岳曰：瞽子。父頑，母嚚，象傲，克諧以孝，烝烝乂，不格女。姦

瞽，舜父名也。其字瞍，心不則德義之經爲頑。象，舜弟也。諧，和也。烝，進也。姦，亂也。舜能以孝和諧，父母昆弟，使進於德，不及於亂，而孟子太史公皆言象日以殺舜爲事，塗廩浚井，僅脫于死，至欲室其二嫂，其爲格姦也甚矣。故凡言舜之事。

不告而娶。避堯之子于南河之南。舉皆齊東野人之語。而二子不察也。

帝曰。我其試哉。女于時。觀厥刑于二女。釐降二女于媯。汭。嬪于虞。帝曰。欽哉。

刑法也。釐。理也。媯。水名也。婦敬曰嬪。虞其族也。舜能以理下二女於媯水之陽。耕稼陶漁之地。使二女不獨敬其親。而通敬其族。舜之所謂諸難無難於此者也。雖付之天下可也。堯以是信之矣。而人未足以信之矣。更試之以五典百揆。

四門大麓之事。

了九曰此篇文字亦妙首至弗嗣叙堯讓舜而舜讓德唐虞揖遜之風宛然在自自正月上日至暹密八音記舜相堯之事自月正元日至末記舜即位之事然只記舍官一事此外更不及他事而即舉舜

東坡書傳卷第二

虞書

舜典第二

虞舜側微。堯聞之聰明。將使嗣位。歷試諸難作舜典。

日。若稽古帝舜。曰。重華協于帝。

重。襲也。華。文也。襲。堯之文也。

濬。哲。文明。溫。恭。允。塞。

濬。深也。哲。智也。塞。實也。書曰。剛而塞。詩曰。秉心

之始終焉此是
史筆高處
則新曰曰濬曰
文曰溫曰允是
形容其玄也玄
方謂之華所云
闇然而日章也
又曰此固舜之
玄德所感而不
知者便以為有
物相之亦何物
哉玄德而已矣

用備曰按宰我
問書云納於大
麓烈風雷雨弗
迷何謂也孔子
曰此言人之應
乎天也堯既得
舜歷試諸難使
大錄萬機之政
是故陰清陽和
五星來備風雨
久以其應不有
迷錯愆伏明舜

塞淵。

玄德升聞。

玄幽也。

乃命以位。慎徽五典。五典克從。納于百揆。百揆時敘。賓于四門。四門穆穆。

徽和也。五典五教也。司徒之事也。揆度也。書曰。有能奮庸。熙帝之載。使宅百揆。亮采惠疇。僉曰。伯禹作司空。而左氏傳亦云。使主后土。以揆百事。則百揆司空之事也。四門四方之門也。穆穆。

美也。諸侯之來朝者。舜賓迎之。宗伯之事也。

納于大麓。烈風雷雨弗迷。

舊說麓。錄也。舜大錄萬機之政。陰陽和。風雨時。

自漢以來有是說。故章帝始置太傅。錄尚書事。

而晉以後強臣將篡者為之。其源出于此。考其

所由。蓋古文麓作禁。故學者誤以為錄耳。或曰。

大麓。太山麓也。古者易姓告代。必因泰山除地。

為壇以告天地。故謂之禪。其禮既不經見。而考

書之文。則堯見舜為政三年。而五典從。百揆敘。

之於合於天也
此說與注疏合
意古相傳如此
今以大麓為山
麓是堯納舜于
荒險之地而以
狂風霹靂試其
命何異於茅山
道士之闢法哉

四門穆風雨不迷而後告舜以禪位而舜猶讓
不敢當也而堯乃於未告舜禪之前先往太山
以易姓告代豈事之實也哉書云烈風雷雨弗
迷是天有烈風雷雨而舜弗迷也今乃以為陰
陽和風雨時逆其文矣太史公曰堯使舜入山
林川澤暴風雷雨舜行不迷此其實也堯之所
以試舜者亦多方矣洪水為患使舜入山林相
視原隰雷雨大至衆懼失常而舜不迷其度量
有絕人者而天地鬼神亦或有以相之歟且帝

王之興其受命之祥卓然見於書詩者多矣河
圖洛書玄鳥生民之詩豈可謂誣也哉恨學者
推之太詳讖緯而後之君子亦矯枉過正舉從
而廢之以為王莽公孫述之流沿此作亂使漢
不失德莽述何自而起而歸罪三代受命之符
亦過矣故夫君子之論取其實而已矣

帝曰格汝舜詢事考言乃言底可績三載汝陟帝
位

格來也詢謀也底致也猶受命而往返而致命

則新曰今人俱
有言六底可績
耶聖九之考與
在此

也。陟升也。舜之始見堯也，必有以論天下之事。其措置當爾，其成當如何考？三年而其言驗，乃致其功。

舜讓于德，弗嗣。

以德不能繼為讓。

正月上日，受終于文祖。

上日，上旬日也。太史公曰：文祖，堯之太祖也。不於其所祖，受堯之終，必于堯之祖廟。有事于祖廟，則餘廟可知。

在璿璣玉衡，以齊七政。

在察也。璿，美玉也。璣，衡。王者正天文之器，可運轉者。七政，日月五星也。

肆類于上帝。

肆，遂也。類，事類也。以事告，非常祀也。凡祀上帝，必及地，示何以知其然也。以郊之有望，知之。春，秋書不郊，猶三望。傳曰：望，郊之細也。書曰：庚戌，柴望，大告武成。柴，祀天也。望，祀山川也。而禮成于一日，祀山川而不及地，此理之必不然者也。

了九曰六宗只
逆說注引祭法
一段乃是災禘
祈禱之義與此

初無干涉漢唐
詩儒於之議
皆不足憑

是以知祀天必及地也。詩曰：昊天有成命，郊祀
天地也。漢以來，學者考之不詳，而世主或出其
私意，五時祭帝，汾陰祀后土，而王莽始合祭天
地，世祖以來，或合或否，而唐明皇始下詔合祀。
至于今者，疑焉。以謂莽與明皇始變禮，而不知
祀天之必及地，蓋自舜以來，見于經矣。
禮于六宗，望于山川，徧于群神。

精意以享曰禋，宗尊也。六宗尊神也。所祭不經
見，諸儒各以意度之，皆可疑。惟晉張髦以為三

昭三穆，學者多從其說。然以書考之，受終之初，
既有事於文祖，其勢必及餘廟，豈有獨祭文祖
于齊七政之前，而別祭餘廟于類上帝之後者
乎。以此推之，則齊七政之後，所祭皆天神，非人
鬼矣。孔安國六宗，四時也。寒暑也。日也。月也。星
也。水旱也。其說自西漢有之，意其必有所傳受。
非臆度者。其神名壇位，皆不可以禮推。猶秦八
神，漢太乙之類，豈區區曲學所能以私意損益
者哉。春秋不郊，猶三望。三望分野之星，與國中

山川乃知古者郊祭天地必及于天地之間所謂尊神者魯諸侯也故三望而已則此禋于六宗望于山川徧于羣神蓋與類上帝爲一禮耳又以祭法考之其曰燔柴于泰壇祭天也瘞埋于泰折祭地也則此所謂類于上帝者也埋少牢于泰昭祭時也相近于坎壇祭寒暑也王宮祭日也夜明祭月也幽宗祭星也雩宗祭水旱也則此所謂禋于六宗也四坎壇祭四方也山林川谷丘陵能出雲爲風雨見怪物皆曰神有

天下者祭百神則此所謂望于山川徧于羣神也祭法所敘蓋郊祀天地從祀諸神之壇位而舜典之章句義疏也故星爲幽宗水旱爲雩宗合于所謂六宗者但鄭玄曲爲異說而改宗爲禋不可信也

輯五瑞既月乃日覲四岳羣牧班瑞于羣后

輯斂也班還也五瑞五玉也公執桓圭侯執信圭伯執躬圭子執穀璧男執蒲璧既盡也正月之未盡也蓋齊七政類上帝無暇日見諸侯既

月無事則四岳羣牧。可以日覲矣。古者朝覲贄
玉。已事則還之。故始輯而終班。

歲二月東巡狩。至于岱宗柴。

巡狩者。巡行諸侯之所守也。岱宗。泰山也。柴。燔
柴祭天。告至也。

望秩于山川。

東嶽諸侯。境內名山大川。如其秩次。望祭之。五
岳。牲祀。視三公。四瀆。視諸侯。其餘視伯子男。
肆覲東后。

東方諸侯也。

協時月正日。同律度量衡。

合四時之氣節。月之大小。日之甲乙。使齊一也。
律十二律也。

脩五禮。五玉。三帛。二生。一死。贄。

五禮。吉凶軍賓嘉也。五玉。五瑞也。三帛。孔安國
曰。諸侯世子執纁。公之孤執玄。附庸之君執黃。
二生。卿執羔。大夫執雁。一死。士執雉。執以見曰
贄。

用修曰。修五禮。
五玉。班志。五玉
作五樂。蓋已有
五瑞。即五玉也。
玉當為樂。注列
五樂之目。

如五器。卒乃復。

五器。五玉也。帛生。死則否。

五月南巡守。至于南岳。如岱禮。

八月西巡守。至于西岳。如初。

十有一月朔巡守。至于北岳。如西禮。

南岳。衡山。西岳。華山。北岳。恒山。

歸格于藝祖。用特。

藝祖。文祖也。特。一牛也。

五載一巡守。羣后四朝。敷奏以言。明試以功。車服

以庸。敷。陳也。奏。進也。庸。用也。諸侯四朝。各使陳

其言而試其功。則賜以車服而用之。

肇十有二州。

肇始也。禹治水之後。舜分冀州為幽州并州分

青州為營州。

封十有二山。

封。封殖也。十二州之名山。皆禁採伐也。

濟川象以典刑。

典刑。常刑也。殺人者死。傷人者刑。象其所犯。

用修曰。按黃帝以後少昊高辛皆仍九州。惟舜時暫置十二州。故書曰肇十有二州。肇之為言始也。前此九州而今始為十二州也。不然則肇字無所屬。至夏還為九州。

了九曰墨劓刑
宮大辟呂刑今
明言苗民始制
注忽增入以誣
舜漢唐諸儒皆
無此說

流宥五刑。

五刑墨劓刑宮辟也。作五流之法以宥五刑之輕者。墨薄刑也。其宥乃至于流乎。曰刑者終身不可復而流者有時而釋不賢于刑之乎。

鞭作官刑。

官刑以治庶人在官慢于事而未入于刑者。

朴作教刑。

朴。榎楚也。教學者所用也。

金作贖刑。

過誤而入于刑。與罪疑者。皆入金以贖。

眚災肆赦。怙終賊刑。

易曰。無妄行有眚。眚亦災也。眚災者。猶曰不幸。非其罪也。肆。縱也。春秋肆大眚是也。怙。恃也。終不改也。賊。害也。不幸而有罪。則縱捨之。恃惡不悛。以害人。則刑之。

欽哉。欽哉。惟刑之恤哉。

恤。憂也。

流共工于幽洲。

幽洲北裔洲水中可居者。

放驩兜于崇山。

崇山南裔。

竄三苗于三危。

三苗。緡雲氏之後。爲諸侯。三危。西裔。

殛鯀于羽山。

羽山。東裔。在海中。殛。誅死也。流放竄。皆遷也。

四罪而天下咸服。

此四凶族也。其罪則莫得詳矣。至于流且死。則

非小罪矣。然堯不誅而待舜。古今以爲疑。此皆世家巨室。其執政用事也久矣。非堯始舉而用之。苟無大故。雖知其惡。勢不可去。至舜爲政。而四人者不利。乃始爲惡于舜之世。如管蔡之于周公也歟。

二十有八載。帝乃徂落。百姓如喪考妣。三載四海遏密八音。

徂落。死也。考妣。父母也。遏。絕也。密。靜也。堯年十六。卽位七十載。求禪。試三載。自正月上日至崩。

用修曰孔平仲以四岳為一人通為二十二人之數余深然其說以漢書三公一人為三老次卿一人為五更注云五更知五行者安知四岳非知四方者乎書內有百揆四

岳以四岳為四人則百揆亦須有人矣

了凡曰奮庸熙載舜原求有功之人眾舉伯禹六論其功帝曰諸平水土六論其奮功也德降而功帝王之會豈偶然哉

二十八載。凡壽一百一十七歲。

月正元日。舜格于文祖。

月正。正月也。元日。朔日也。向告攝。今告即位。

詢于四岳。闢四門。明四目。達四聰。

廣視聽于四方。

咨十有二牧。曰食哉惟時。

十二州之牧。所重民食。惟是而已。

柔遠能邇。惇德允元。而難任人。蠻夷率服。

能讀如不相能之能。柔懷遠者。使與近者相能。

惇厚也。元善也。難拒也。任人。佞人也。惇厚其德。

信用善人。而拒佞人。則蠻夷服。蓋佞人必好功。

名不務德。而勤遠畧也。

舜曰。咨四岳。有能奮庸。熙帝之載。使宅百揆。亮采。

惠疇。

奮立也。庸功也。熙光也。載事也。有能立功。光堯。

之事者。當使宅百揆。其能信事而順者。誰乎。

僉曰。伯禹作司空。帝曰。兪咨禹。汝平水土。惟時懋。

哉。

懋勉也。

禹拜稽首。讓于稷契暨臯陶。

居稷官者。棄也。契臯陶。二臣名。

帝曰。俞。汝往哉。

然其所推之賢。不許其讓也。

帝曰。棄黎民阻饑。

阻險難也。

汝后稷播時百穀。帝曰。契。百姓不親。五品不遜。汝作司徒。敬敷五教在寬。

五教。父義。母慈。兄友。弟恭。子孝。以此教民。必寬而後可。亟則以德為怨。否則相率為偽。

帝曰。臯陶。蠻夷猾夏。寇賊姦宄。

猾。亂也。夏。華夏也。亂在外曰姦。在內曰宄。

汝作士。五刑有服。五服三就。

士。理官也。服。從也。三就。國語所謂三次也。大者

陳之原野。小者致之市朝。

五流有宅。五宅三居。惟明克允。

三居。如今律。五流。其詳不可知矣。堯舜以德禮

又曰。不親不遜。付之司徒。而蠻夷猾夏。然後用刑。可以想盛世之風景。

治天下。雖有蠻夷寇賊。時犯其法。然未嘗命將出師。時使臯陶作士。以五刑三就。五流三居之。法治之足矣。兵既不用。度其軍政。必寓于農民。當時訓農治民之官。如十二牧。司徒司空之流。當兼領其事。是以不復立司馬也。而或者因謂堯時士與司馬爲一官。誤矣。夫以將帥之任。而兼之于理官。無時而可也。堯獨安能行之。帝曰。疇若予工。僉曰。垂哉。帝曰。俞。咨垂。汝共工。垂。臣名。

垂拜稽首。讓于及斨暨伯與。

二臣名。

帝曰。俞。往哉。汝諧。

諧。宜也。

帝曰。疇若予。上下草木鳥獸。

上山也。下澤也。

僉曰。益哉。

伯益也。

帝曰。俞。咨益。汝作朕虞。

虞掌山澤之官。

益拜稽首。讓于朱虎熊羆。

二臣名。

帝曰。俞往哉。汝諧。帝曰。咨四岳。有能典朕三禮。俞曰。伯夷。

三禮。天地人禮。伯夷。臣名。姜姓。

帝曰。俞咨伯。汝作秩宗。

秩序宗廟之官。

夙夜惟寅。直哉惟清。

又曰宗非宗廟
宗尊也叙次其
所尊者故曰秩
宗今稱禮部為
宗伯亦是重禮

之意

又曰鷄鳴而起
覺念正惺夜氣
生息本真獨露
故養心之道以
夙夜為先

書曰。伯夷降典。折民惟刑。禮之所去。刑之所取。

故古者禮官兼折刑。夙夜惟寅者。為禮也。直哉

惟清者。為刑也。惟直則刑清。

伯拜稽首。讓于夔龍。

二臣名。

帝曰。俞往欽哉。帝曰。夔命汝典樂。教胄子。直而溫。寬而栗。剛而無虐。簡而無傲。

栗。莊栗也。教者必因其所長。而輔其所不足。直者患不溫。寬者患不栗。剛者患虐。簡者患傲。

詩言志。歌永言。聲依永。律和聲。

言之不足。故長言之。吟詠其言而樂生焉。是謂歌永言。聲者。樂聲也。永者。人聲也。樂聲升降之節。視人聲之所能至。則為中聲。是謂聲依永。永則無節。無節則不中律。故以律為之節。是謂律和聲。孔子論玉之德。曰叩之有聲。清越以長。其終詘然。樂也。夫清越以長者。永也。其終詘然者。律也。夫樂固成于此二者歟。

八音克諧。無相奪倫。神人以和。夔曰。於予擊石拊

石百獸率舞。

此舜命九官之際也。無緣夔於此。獨稱其功。此益稷之文也。簡編脫誤。復見於此。

帝曰。龍朕。聖讒說殄行。震驚朕師。命汝作納言。夔夜出納朕命。惟允。

聖疾也。殄。絕也。絕行。猶獨行。行之不可繼者也。惟讒說。獨行為能動眾。納言之官。聽下言。納于上。受上言。宣于下。樞機之官。故能為天下言行之帥。舜有不問而命。臣有不讓而受者。皆隨其

又曰。惟允者。防諛說也。命之出也。恐諛說託之而行。命之納也。恐諛說乘之而進。故欲核實之。大率諛說害人。在納處居多。故以納言名官。

實也

帝曰。咨汝二十有二人。

書曰。內有百揆四岳。堯欲使巽朕位。則非四人明矣。二十二人者。蓋十二牧四岳九官也。而舊說以為四人。蓋每訪四岳。必僉日以答之。訪者一而答者衆。不害四岳之為一人也。

欽哉。惟時亮天功。

亮。彌也。

三載考績。三考黜陟幽明。庶績咸熙。分北三苗。

苗之國。左洞庭。右彭蠡。南方之國也。而竄之西裔。必竄其君耳。其民未也。至此治功大成。而苗民猶不服。故分北之。

舜生三十。

為民者三十載。

徵庸三十。

歷試三載。攝位二十八載。通為三十。

在位五十載。陟方乃死。

堯崩。舜服喪三年。然後即位。蓋年六十二矣。在

承菴曰。要識舜之。初年履曆。看三十徵庸。句便見得要識舜之。受終。作為看三十在位。句便見得要識舜之。即位。經論。看五載。陟方。句便見得用備。曰。陟方。乃死。按家語。作五

十載陟方岳死
於蒼梧之野以
方為方岳正與
國語舜勤民事
而野死之文合
而文義亦順今
注以升遐訓之
又與下文乃死
重複矣左思吳
都賦梁岷豈有
陟方之館行宮
之基與以陟方
對行宮蓋以為
天子巡狩事也
合六與國語家語

位五十載而崩。壽百有一十二。說者以為舜巡
守南方。死于蒼梧之野。韓愈以為非。其說曰。地
傾東南。巡非陟也。陟方者。猶曰升遐爾。書曰。惟
新陟王是也。傳書者。以乃死為陟方之訓。蓋其
章句。而後之學者。誤以為經文。此說為得之。
帝釐下土方。設居方。別生分類。作汨作九。共九篇
彙飲

凡逸書不可強通其訓。或曰。九共。九丘也。古文
丘共相近也。其曰述職方以除九丘。非也。九丘

逸矣。理或然歟。

則新曰知文命
四敷而言克艱
實是聖世君臣
之事也

東坡書傳卷第三

大禹謨第三

臯陶矢厥謨。禹成厥功。帝舜申之。作大禹謨。臯陶
謨。益稷。

矢。陳也。申。推明之也。

曰若稽古大禹。曰。文命敷于四海。祇承于帝。

命。教也。以文教布于四海。而繼堯舜。以文命爲

禹名。則布于四海者。爲何事耶。

曰。后克艱厥后。臣克艱厥臣。政乃乂。黎民敏德。

了九曰此句
要見艱字意

又曰稽于賢易
稽于衆難稽于
衆易稽于衆而
能舍己以從之
難大舜一生工
夫都在這裡

此禹之言也。君臣各艱畏。則非辟無自入。民利在為善而已。故敏于德。

帝曰。俞。允若茲。嘉言罔攸伏。野無遺賢。萬邦咸寧。君臣無所艱畏。則易事而簡賢。賢者遁去。而善言不敢出矣。

稽于衆。舍己從人。不虐無告。不廢困窮。惟帝時克。無告。天民之窮者也。困窮。士之不遇者也。帝堯也。

益曰。都。帝德廣運。乃聖乃神。乃武乃文。皇天眷命。

奄有四海為天下君

都美也。至道必簡。至言必近。君臣相與艱畏。舍己而用衆。禮鰥寡。達窮士。其為德若甲約。然此夸者之所小。而世俗之所謂無所至也。故舜特申之曰。是德也。惟堯能之。他人不能也。益又從而贊之曰。是德也。推而廣之。則乃所以為聖神。文武而天之所以命堯為天子者。特以是耳。

禹曰。惠迪吉。從逆凶。惟影響。

惠順也。迪道也。言吉凶之出于善惡。猶影響之

又曰。不曰如影
響。而曰惟影響
曰如猶是二也
世間萬事有影

惟人心無影事
之吉凶即人心
善惡之影也響
亦然

生于形聲。

益曰。吁。戒哉。儆戒無虞。

虞。憂也。自其未有憂而戒之矣。

罔失法度。罔游于逸。罔淫于樂。任賢勿貳。去邪勿疑。

貳。不專任也。

疑。謀勿成。百志惟熙。

人之爲不善。雖小人不能無疑。凡疑則已。則天下無小人矣。人之所以不能大相過者。皆好行

其所疑也。疑。謀勿成。則凡所志皆卓然光明無可媿者。

罔違道以干百姓之譽。罔拂百姓以從己之欲。

民至愚而不可欺。凡其所毀譽。天且以是爲聰明。而況人君乎。違道足以致民毀而已。安能求譽哉。以是知堯舜之間。所謂百姓者。皆謂世家大族也。好行小慧以求譽。于此固不足恤。以爲不足恤。而縱欲以戾之。亦殆矣。拂戾也。

無怠無荒。四夷來王。

九州之外。世一見曰王。國語日祭月祀時享歲貢終王。

禹曰。於帝念哉。德惟善政。政在養民。水火金木土穀惟脩。

所謂六府。

正德利用厚生惟和。

所謂三事也。春秋傳曰。民生厚而德正。用利而事節。正德者。管子所謂倉廩實而知禮節。衣食足而知榮辱也。利用。利器用也。厚生。時使薄斂。

也使民之賴其生也者。厚也。民薄其生。則不難犯上矣。利用厚生。而後民德正。先言正德者。德不正。雖有粟。吾得而食諸。

九功惟敘。九敘惟歌。戒之用休。董之用威。勸之以九歌。俾勿壞。

先事而語曰戒。休。恩也。董。督也。太史公曰。沐浴膏澤。而歌詠勤苦。古之治民者。于其勤苦之事。則歌之。使忘其勞。九功之歌。意其若爾詩也歟。帝曰。俞。地平天成。六府三事允治。萬世永賴。時乃

又曰戒其失宜用威而反用休督其成宜用休而反用威蓋戒則善心生董則懼心生也

又曰謂之府則天地之藏其出

無盡謂之事則
君臣之業其責
當備

則新曰前禹言
券民故舜以
總師為言下禹
以民不依及
民懷相答堯舜
禹所授受者只
此民擔而已

功。

水土治曰平。五行敘曰成。賴利也。乃汝也。

帝曰。格汝禹。朕宅帝位。三十有三載。耄期。倦于勤。八十九曰耄。百年曰期。頤。

汝惟不怠。總朕師。禹曰。朕德罔克。民不依。皐陶邁種德。德乃降。黎民懷之。帝念哉。念茲在茲。釋茲在茲。名言茲在茲。允出茲在茲。惟帝念功。

邁。遠也。降。下也。種德者。如農夫之種殖也。衆人之種其德也。近。朝種而莫獲。則其報亦狹矣。皐

陶之種其德也遠。造次顛沛。未嘗不在于德。而不求其報也。及其充溢而不已。則沛然下及于民。而民懷之。聖人之德。必始于念。故曰帝念哉。念茲者。固在茲矣。及其念之至也。則雖釋而不念。亦未嘗不在茲也。其始也。念仁而仁。念義而義。及其至也。不念而自仁。義也。是謂念茲在茲。釋茲在茲。名言者。其辭命也。允出者。其情實也。孔子曰。名之必可言。言之必可行。是之謂名言。名之以仁。固仁矣。名之以義。固義矣。是謂名言。

茲在茲及其念之至也不待名言而情實皆仁
義也是謂允出茲在茲此帝念念不忘之功也
故曰惟帝念功禹既以是推臯陶之德因以是
教帝也曰邁種德者其德不可以一二數也念
之而已念之至者念與不念未嘗不在德也其
外之辭命其中之情實皆德也而德不可勝用
矣孔子曰非禮勿視非禮勿聽非禮勿言非禮
勿動一出于禮而仁不可勝用矣舜禹臯陶之
微言其傳于孔子者蓋如此

帝曰臯陶惟茲臣庶罔或干予正

干犯也

汝作士明于五刑以弼五教期于予治刑期于無
刑民協于中時乃功懋哉

期至也

了凡曰意之所在曰期蓋用刑而意在無刑則臯非行法
實種德也民信其心而不疑其法故翕然咸協于中

臯陶曰帝德罔愆臨下以簡御衆以寬罰弗及嗣
賞延于世宥過無大刑故無小罪疑惟輕功疑惟
重與其殺不辜寧失不經好生之德洽于民心茲
用不犯于有司

又曰刑曰明則
刑貴知而不貴
用教曰弼則教
為主而刑輔之

用修曰帝之德
冠古今矣而臯
陶之謨但以罔
愆言之禹之功
平天地矣而孔
子之語但以無
間言之文武之

謨烈光日月矣。而君臣之書，但
以周缺德之孟
子曰：事親若曾
子可也。韓子曰：
事君若周公可
矣。
又曰：按林少頰
云：宥過誤則無
大者，小者則宥
大者則不宥，刑
特故則無小者。
大者則刑，小者
則不刑。此說極
當。

了允曰：克勤克
儉，是大禹一生
得力處。故舜特
言之。

帝因禹之議，臯陶故推其功而勉之。臯陶憂天
下後世以刑為足以治也，故推明其所自以為
非帝之至德不能至也。

帝曰：俾予從欲以治，四方風動，惟乃之休。
帝之所欲，欲民仁而壽且富也。風動者，如風動
物，而物不病也。

帝曰：來禹，降水儆予，成允成功，惟汝賢。
降當作澤。孟子曰：降水者，洪水也。天以洪水儆
予，而禹平之，使聲教信于四海。

克勤于邦，克儉于家，不自滿假，惟汝賢。
假，大也。

汝惟不矜，天下莫與汝爭能；汝惟不伐，天下莫與
汝爭功。予懋乃德，嘉乃丕績。天之歷數在爾躬，汝
終陟元后。人心惟危，道心惟微，惟精惟一，允執厥
中。

人心，衆人之心也。喜怒哀樂之類是也。道心，本
心也。能生喜怒哀樂者也。安危生于喜怒。治亂
寄于哀樂。是心之發，有動天地，傷陰陽之和者。

亦可謂危矣。至于本心果安在哉。爲有耶。爲無耶。有則生喜怒哀樂者非本心矣。無則孰生喜怒哀樂者。故夫本心學者不可以力求而達者。可以自得也。可不謂微乎。舜戒禹曰。吾將使汝從人心乎。則人心危而不可據。使汝從道心乎。則道心微而不可見。夫心豈有二哉。不精故也。精則一矣。子思子曰。喜怒哀樂之未發謂之中。發而皆中節謂之和。中也者。天下之大本也。和也者。天下之達道也。致中和。天地位焉。萬物育

焉。夫喜怒哀樂之未發。是莫可名言者。子思名之曰中。以爲本心之表著。古之爲道者。必識此心。養之有道。則卓然可見于至微之中矣。夫苟見此心。則喜怒哀樂無非道者。是之謂和。喜則爲仁。怒則爲義。哀則爲禮。樂則爲樂。無所往而不爲盛德之事。其位天地育萬物。豈足怪哉。若夫道心隱微。而人心爲主。喜怒哀樂各隨其欲。其禍可勝言哉。道心卽人心也。人心卽道心也。放之則二。精之則一。桀紂非無道心也。放之而

又曰欽哉工夫
正在慎乃有位
處用慎位工夫
正在敬脩處用

已。堯舜非無人心也。精之而已。舜之所謂道心者。子思之所謂中也。舜之所謂人心者。子思之所謂和也。

無稽之言勿聽。弗詢之謀勿庸。可愛非君。可畏非民。衆非元后。何戴。后非衆罔與守邦。欽哉。慎乃有位。敬修其可願。

人之所願。與聖人同。而不修其可以得所願者。孟子所謂惡濕而居下。惡醉而強酒也。

四海困窮。天祿永終。

舜之授禹也。天下可謂治矣。而曰四海困窮者。託于不能以讓禹也。

惟口出好與戒。朕言不再。

好。爵祿也。戒。兵刑也。吾言非苟而已。喜則爲爵祿。怒則爲兵刑。其爲授禹也決矣。

禹曰。枚卜功臣。

枚。歷也。

惟吉之從。帝曰。禹。官占。惟先蔽志。昆命于元龜。蔽。斷也。昆。後也。使卜筮之官占是事。必先斷志。

而後令龜

朕志先定。詢謀僉同。鬼神其依。龜筮協從。其者。意之之詞也。以龜協從知之。

卜不習吉。

習。因也。卜已吉而更卜。爲習吉。

禹拜稽首。固辭。帝曰。毋。惟汝諧。正月朔旦。受命于神宗。

堯之所從受天下者曰文祖。舜之所從受天下者曰神宗。受天下于人。必告于其人之所從受

者。禮曰。有虞氏禘黃帝而郊嚳祖顓頊而宗堯。則神宗爲堯明矣。舜禹之受天下于堯舜也。及堯舜之存。而受命于其祖宗矣。舜受命二十八年而堯崩。禹受命十七年而舜崩。既崩三年。然後退而避其子。是猶足信乎。

率百官。若帝之初。帝曰。咨禹。惟時有苗弗率。汝徂征。

率。循也。徂。往也。

禹乃會羣后。誓于師曰。濟濟有衆。咸聽朕命。蠢茲

有苗。

蠢動也。

昏迷不恭。侮慢自賢。反道敗德。君子在野。小人在位。民棄不保。天降之咎。肆予以爾衆士。奉辭伐罪。爾尚一乃心力。

尚。庶幾也。

其克有勲。三旬苗民逆命。益贊于禹。曰。惟德動天。無遠弗届。

届。至也。

了九曰苗民之罪已着但有一爰是已非苗之意便是滿因其不服而及躬自治便是謙

滿招損謙受益時乃天道。帝初于歷山。往于田。日號泣于旻天。于父母。負罪引慝。祇載見。瞽瞍。夔夔齊慄。瞽亦允若。

夔夔敬懼貌也。

至誠感神。

以誠感物曰誠。

矧茲有苗。禹拜昌言曰。兪。

昌言。盛德之言也。

班師振旅。

又曰誕敷文德
舊謂不事威武
便是誕敷非別
有所開大也蓋
其意謂舜之德
已極不可復增
耳聖人之心正
不如此其自視
常虛其視道常
無盡故德已至
而益備敷已徧
而益廓也舜本
是天生大聖然
當號泣怨慕之

時動心忍性
然有所增益
日經此一磨
練儼然有負罪
引慝之誠豈無
增益之理

班。還也。入曰振旅。

帝乃誕敷文德。

誕。大也。

舞于羽于兩階。

于。楯也。羽。翳也。兩階。賓主之階也。

七旬。有苗格。

世傳汲冢書。以堯舜為幽囚野死。而伊尹為人

甲所殺。或以為信然。學者雖非之。而心疑其說

考之于書。禹既受命于神宗。出征三苗。而反帝

猶在位。修文德。舞于羽。以來有苗。此豈逼禪也

哉。

虞書

皐陶謨第四

曰若稽古皐陶。曰允迪厥德。謨明弼諧。

迪。蹈也。謨。謀也。弼。正也。諧。和也。言世所稱皐陶

之德。皐陶信蹈而行之。非虛名也。其為人謀也

明。其正人之失也。和。皆皐陶之德也。書言若稽

古者。四蓋史之為此書也。曰。吾順考古昔而得

其爲人之大凡如此。在堯曰放勳。欽明文思安安。允恭克讓。光被四表格于上下。在舜曰重華協于帝。濬哲文明。溫恭允塞。在禹曰文命敷于四海。祇承于帝。在臯陶曰允迪厥德。謨明弼諧。皆有虞氏之世。史官記其所聞之辭也。有虞氏之世。而謂舜臯陶爲古可乎。曰自今已上皆古也。何必異代。春秋傳凡虞書皆曰夏書。則此書作于夏氏之世。亦不可知也。

禹曰俞如何。

允迪厥德。謨明弼諧者。史之所述。非臯陶之言也。而禹曰俞。所然者誰乎。此其間必有闕文者矣。臯陶有言。而禹然之。且問之。簡編脫壞而失之耳。

臯陶曰。都。慎厥身。脩思永。

慎其身之所修者。思其久遠之至者。禮曰。君子過言則民作辭。過動則民作則。故言必慮其所終。行必稽其所敝。

惇敘九族。庶明勵翼。邇可遠在茲。

惇厚也。敘次也。庶明衆顯者謂近臣也。勵勉也。翼輔也。自修身以及九族近臣。此邇可遠之道也。

禹拜昌言曰。俞。

盛德之言故拜。

皐陶曰。都在知人在安民。禹曰。吁。威若時。惟帝其難之。知人則哲。能官人。安民則惠。黎民懷之。能哲而惠。何憂乎驩兜。何遷乎有苗。何畏乎巧言令色孔壬。

了九曰知人則哲以下句句形容其交盡之難

孔甚也。壬倭也。

皐陶曰。都亦行有九德。亦言其人有德。乃言曰。載采采。

則新曰。漫人說到德。漫德說到行。漫行說到事。則無不知之人矣。蓋因顯以測微也。

人有可知之道而無可知之法。如蕭何之識韓信。此豈有法可學哉。故聖人不敢言知人。輕用人而不疑。與疑人而不用。皆足以敗國而亡家。然卒無知人之法。以諸葛亮之賢。而短于知人。況其下者乎。人主欲常有為。則事繁而民亂。欲常無為。則政荒而國削。自古及今。兵強國治而

民安者無有也。人之難安如此。此禹之所畏。堯舜之所病也。臯陶曰然。豈可以畏其難而不求其術乎。蓋亦嘗試以九德求之。亦行有九德者。以此自修也。亦言其人有德者。以此求人也。論其人則曰斯人也有某德。言其德則曰是德也。有某事某事。采者事也。載采采者。歷言之也。禹曰何臯陶曰寬而栗。栗懼也。寬者患不戒懼。柔而立。愿而恭。

愿。慤也。慤者或不恭。

亂而敬。

橫流而濟曰亂。故才過人。可以濟大難者。曰亂。亂臣十人是也。才過人者。患在于夸傲。

擾而毅。

擾。馴也。

直而溫。簡而廉。

簡易者。或無廉隅。

剛而塞。

又曰彰應上終
字采字有常應
下日宣日嚴

三德六德與六
行有九德應浚
明亮采與載采
應

塞實也。剛者。或色勵而內存。故以實爲貴。易曰。剛健篤實光輝。日新其德。

彊而義。彰厥有常。吉哉。

德惟一。動罔不吉。故常于是。德然後爲吉也。

日宣三德。夙夜浚明。有家。

宣達也。浚盡其才也。明察其心也。言九德之中。

得三人而宣達之。盡其才而察其心。則卿大夫。

之家。可得而治也。

日嚴祇敬六德。亮采有邦。

得六人而嚴憚敬用之。信任以享。則諸侯之國。可得而治也。

翁受敷施。九德咸事。俊又在官。百僚師師。百工惟時。撫于五辰。庶績其凝。

翁合也。有治才曰又撫循也。五辰。四時也。凝。成也。九德並至。文武更進。剛柔雜用。則以能合而受之爲難。能合而受之矣。則以能行其言爲難。故曰翁受敷施。九德咸事。此天子之事也。古之知言者。忘言而取意。故言無不通。後之學士膠。

又曰德不止於
三與六故欲翁
受而敷施之則
不特三德有家
之事六德有邦
之事而九德之
人咸事無惟九
德咸事故俊又
不在野而在官
在官則爲百僚
矣

于言而責其必然。故多礙。多礙故多說。天子用九德。諸侯用六。大夫用三。言不得不爾。而其實未必然也。孔子曰：天子有爭臣七人，諸侯五人，大夫三人，使諸侯而有爭臣七人，可得謂之僭。天子乎？故觀書者，取其意而已。或曰：皐陶之九德，區區剛柔之迹耳，何足以與知人之哲乎？然則皐陶何爲立此言也？曰：何獨皐陶？舜命夔曰：直而溫，寬而栗，剛而無虐，簡而無傲。箕子教武王：正直剛克，柔克沉潛，剛克高明，柔克雖三聖

之所陳，詳畧不同，然皆以長短相輔，剛柔相濟爲不知人者立寡過之法也。其意曰：不知人者，以此觀人，參其短長，剛柔而用之，可以無大失矣。譬如藥之有方，聚衆毒而治一病，君臣相使，畏惡相制，幸則愈疾，不幸亦不至殺人者，此豈爲秦越人華陀設乎？

無教逸欲有邦，兢兢業業，一日二日萬幾。

事無不待教而成，惟國君之逸欲，莫有以教之者而自能也。位不期驕，祿不期侈，故一日二日

則新曰一人逸
欲究竟要到教
有邦地位之是
勢所必至故聖
賢劈頭斬絕之

之間。而可致危亡者。至于無數。幾危也。無曠庶官。天工人其代之。

天有是事。則人有此官。官非其人。與無官同。是廢天事也。而可乎。

天敘有典。勅我五典。五惇哉。

勅正也。

天秩有禮。自我五禮。五庸哉。

秩亦敘也。庸常也。

同寅協恭。和衷哉。

又曰勅五典自五禮工夫全在寅恭處此句以君為主而臣輔之是知人中得

子淵曰古文用哉字

寅敬也。衷誠也。

天命有德。五服五章哉。天討有罪。五刑五用哉。政事懋哉。懋哉。

懋勉也。父義母慈。兄友弟恭。子孝。皆出于民性之自然。孰為此敘者。非天平乎。我特從而正之。使益厚耳。豺獾之敬。啁啾之悲。交際之歡。攘奪之怒。牝牡之好。此五禮之所從出也。孰為此秩者。非天平乎。我特從而修之。使有常耳。此二者。道德之事。非君臣同其誠敬。莫能致也。五等車服。天

所以命有德而我章之刑罰天所以討有罪而我用之此二者政事也勉之而已

天聰明自我民聰明天明畏自我民明威達于上下敬哉有土

上帝付耳目于民者以其衆而無私也民所喜怒威福行焉自天子達不避貴賤有土者可不敬哉

皐陶曰朕言惠

惠順也

可底行禹曰兪乃言底可績皐陶曰予未有知思

曰贊贊襄哉

曰當作日

了九曰前曰日
宣日嚴又曰一
曰二日至此又
曰日贊有惜時
蓄治之意

高
日
日
日
日
日
日
日

何
風
行
舟
日
命
以
言
知
何
語
早
則
日
午
未
亦
吹
日

日
替
替
寒
若

日
當
行
日

カ

レ